

Hyschterie iibrall

Die guate Nohricht vorna-
weg: Sie werdat mit zem-
lich hoher Wahrschein-
lichkeit net am Coronavi-
rus sterba! Die schlechte
hentadrei: Sterba werdat
Se aber trotzdem. Rein
statistisch gseha an ra kar-
diovasculära Erkrankung.
Vielleicht hilft die Er-
kenntnis der aktuella
Hyschterie entgegazuwir-
ka. D' Leut spennat. Kom-
plett. So ebbes han i no net
vrlebt. Hamschterkäuf' in
älle Läda. Mei Nachbere –
Sie wissat jo, des propere
150-Kilo-Prachtsweib –
war letscht Woch' en ra
Zoohandlung. Ond was soll
i saga – koin oinziga
Hamschter hot's meh geba.
I han koi Ahnung, warum
die Paniker au no sämtli-
che Klopapiervorrät' auf-
kauft. Wahrscheinlich
hend se Schiss.

Nudla send au ausver-
kauft. Aber ausgerechnet
italienische? Wo doch je-
der woiß, wia dr Coronavi-
rus in Italien grasiert.
Mittlerweile kursierat em
Internet schon die beschte
Rezept' für Nudla mit Klo-
papier.

Manche Läda warat
letscht Woch' so ausver-
kauft, dass bloß no China-
kohl, Asia-Nudla und der
ganze vegane Müll in de
Regal blieba isch.

I han koi Ahnung, warum
d' Leut so spennat. I han's
jo scho vor zwoi Wocha
gschriebe. Bisher han i äle
gefährliche Sacha
ibrlebt: BSE, Vogelgrippe,
Schweinepescht, Wocha-
dippl, Zah'waih, Dieter
Bohlen ond Helene Fi-
scher.

Warom soll i also jetzt vor
dem Coronavirus meh
Angscht han? I setz eifach
mein Vrstand ei ond lass



mi von dene Media net en
Panik versetza. Übrigens:
Meh als die Hälfte von de
en China Infizierte isch
wieder xond. Hend Se des
scho irgendwo glesa oder
ghört?

I han hier die beschte
Tipps zum Schutz vor der
Coronapanik:

- 1.Handy: Pushmeldunga
ausschalta
- 2.Radionochrichta: bei de
erschte zwoi weghöra
- 3.Fernsäh: Tagesschau,
Heute ond Sondersendun-
ga meida
- 4.Hirn: Entrümpla ond
Vrnunft reaktiviera
- 5.Nahrung: Täglich eine
Zehe Knoblauch. Hilft
zwar net, hält aber da Min-
deschtabstand von ma Me-
ter
- 6.Trollinger ond Geishirt-
leschnaps oral zom desin-
fiziera

Im schlemmschta Fall
gangat'r en d' Apotheke ond
kauft folgendes Mittel:

„Coronex von ratiopharm
– Schmalspurantiidioti-
kum gegen Panikmache
und Hamsterkäufe“. Eb-
bes wird no scho helfa.
Außerdem hebt der Coro-
navirus sowieso net lang,
der isch „made in China“.
Also a Glomp!

Bis näggschd Woch', ond
bleibat xond!

Ihr

Wulf Wager

kolumne@wulf-wager.de